



# UNITI

BULETIN

MEMBUDAYAKAN KEUSAHAWANAN PELAJAR

بوليتيك  
أونيتي

## KOPERASI KAKITANGAN KOLEJ UNITI

&gt;&gt;Baca selanjutnya di mukasurat 5



“Majlis Istiadat Konvokesyen Kolej UNITI Kali Ke-18 telah berlangsung pada 10 November 2019 di Bangi Avenue Convention Centre. Jumlah graduan daripada Kolej UNITI Kota Bharu adalah seramai 146 orang.”

*lihat selanjutnya pada mukasurat 6 & 7*

Menarik  
di dalam  
edisi ini

Mural  
Bendera

mukasurat 4

Trip to  
Pattani

mukasurat 8

Minggu  
Induksi

mukasurat 10

Ready-to-eat  
by YaPEIM

mukasurat 11

# SIDANG REDAKSI

PENAUNG

> EN.MOHD SHAHAROM

PENYELARAS PENERBITAN

> SITI NOR AISHAH BINTI CHE HASSAN

KETUA PENGARANG/KETUA EDITOR

> SALINE BINTI ISMAIL

EDITOR BAHASA MELAYU

> NURAZLINDA BINTI MOHD GHAZALI

EDITOR BAHASA INGGERIS

> NOR AZIATI BINTI ANUAR

EDITOR BAHASA ARAB

> MUHAMMAD HAFIZUDDIN BIN HUSSIN

PENULIS/PENYUMBANG PENERBITAN

> WARGA KUKB

JURUGAMBAR

> ENMUHAIMIN BIN MOHAMMAD

EDITOR GRAFIK

> MOHAMMAD HAFIZUDDIN BIN HUSSIN

PERCETAKAN

> EN. MOHD NASUHA BIN DERAMAN

PENGEDARAN

> EN. WAN JAFFRI BIN WAN SALLEH

# RIBA

**Amalan yang ditegah dan  
diperangi Allah SWT dan  
Rasulullah SAW.**

Siti Munirah Ab Latif

Riba dari segi bahasa adalah penambahan, peningkatan, kenaikan atau lebihan yang dikenakan secara tidak halal yang berlaku pada sesuatu kontrak. Kebiasaannya masyarakat menganggap riba ini hanya berlaku dalam kontrak pinjaman sahaja. Tetapi perlu diingat riba juga boleh berlaku dalam urusniaga jual beli. Apabila bercerita tentang riba, jangan pula keliru antara jual beli dan riba. Yang perlu diketahui riba adalah haram manakala jual beli adalah halal. Akan tetapi, salah percaturan urusniaga jual beli juga boleh membawa kepada riba yang haram.

Firman Allah SWT yang bermaksud: Orang yang memakan riba itu tidak dapat berdiri melainkan seperti berdirinya orang yang dirasuk syaitan. Yang demikian itu, disebabkan mereka mengatakan "Sesungguhnya jual beli itu sama sahaja seperti riba". Padahal Allah SWT telah menghalalkan jual beli dan mengharamkan riba. Barang siapa yang mendapat peringatan (larangan) daripada Tuhan-Nya lalu dia berhenti (daripada mengambil riba), maka apa yang telah diambilnya dahulu (sebelum pengharaman itu) adalah menjadi haknya, dan perkaryanya adalah terserah kepada Allah SWT. Dan sesiapa yang mengulangi lagi perbuatan itu (memakan riba) mereka itulah penghuni neraka dan kekal di dalamnya. [Surah al-Baqarah :275]

Kita juga disarankan untuk meninggalkan saki-baki riba sebagaimana firman Allah SWT yang bermaksud: "Wahai orang-orang yang beriman! Bertakwalah kamu kepada Allah SWT dan tinggalkanlah saki-baki riba jika benar kamu orang-orang yang beriman. Jika kamu tidak juga melaksanakannya, maka ketahuilah kamu akan adanya peperangan dari Allah SWT dan RasulNYA". [Surah al-Baqarah : 278-279] Jelaslah sesiapapun yang berdegil untuk meninggalkan amalan riba, maka mereka akan diperangi oleh Allah SWT dan Rasul. Ini adalah ancaman keras dari Allah SWT kepada umat manusia yang mengingkari laranganNYA.

# RIBA

## HANYA INDAH DI PERMUKAAN



Terdapat beberapa jenis dan situasi yang berkait dengan riba yang perlu difahami oleh masyarakat memandangkan ia banyak berlaku pada masa kini. Sebagai contoh, Adam diberi pinjam RM 3000 dan disyaratkan untuk bayar balik sebanyak RM 3500. Maka RM 500 adalah riba al-Qard sama ada rasa tertindas ataupun tidak. Kebiasaan transaksi pinjaman sebegini berlaku di bank konvensional yang ada sekarang di mana masyarakat terdesak untuk mendapatkan wang tanpa mengambil kira halal haram sesuatu perkara.

Contoh berikutnya, Ahmad meminjam duit daripada Abu sebanyak RM 2000 dan perlu bayar balik dalam tempoh sebulan. Setelah tempoh tamat, Ahmad memohon penangguhan bayaran balik. Maka Abu menetapkan bayaran balik sebanyak RM 2500 selaras dengan pertambahan masa. Maka RM 500 itu adalah riba al-Jahiliyyah. Riba ini terjadi disebabkan oleh berlakunya penangguhan dalam bayaran balik pinjaman.

Dalam urus niaga pun kita boleh terjebak dengan riba tanpa kita sedari. Ramai di antara kita beranggapan, dah katanya jual beli adalah halal kenapa masih boleh berkait dengan riba? Ini yang ingin dikongsi bersama pembaca untuk difahami bersama. Urusniaga ini biasanya berkait dengan barang ribawi sebagai contoh makanan asasi iaitu tamar, gandum, garam dan barli serta mata wang iaitu emas dan perak. Contohnya 100 gram emas 916 ditukar dengan 110 gram emas 999. Lebihan 10 gram dikira riba al-Fadl. Urusniaga ini adalah haram dan tidak dibenarkan kerana emas termasuk dalam kategori matawang.

**“Wahai orang-orang yang beriman! Bertakwalah kamu kepada Allah SWT dan tinggalkanlah saki-baki riba jika benar kamu orang-orang yang beriman. Jika kamu tidak juga melaksanakannya, maka ketahuilah kamu akan adanya perperangan dari Allah SWT dan RasulNYA”**

Begitu juga urusniaga jual beli emas yang dilakukan pada masa kini, misalnya membeli emas dengan harga RM 2000 akan tetapi bayaran tersebut diserahkan seminggu kemudian. Di sini wujudnya riba al-Nasi'ah disebabkan adanya elemen penangguhan yang mana pertukaran tidak dilakukan secara serentak. Syarat bagi pertukaran barang ribawi yang sama jenis mestilah jumlah yang sama dan pada waktu yang sama manakala barang ribawi berbeza jenis mestilah pada waktu yang sama walaupun jumlah berbeza tidak mengapa.

Kesimpulannya, riba boleh wujud dalam banyak keadaan dan boleh membawa kepada dosa besar jika kurang ilmu tentangnya. Seandainya ingin membuat pinjaman, pastikan memilih pembiayaan Islamik yang banyak ditawarkan di bank-bank Islam dengan menggunakan kontrak jual beli, sewaan dan sebagainya. Justeru itu wajib bagi kita sebagai umat Islam mempelajari tentang riba untuk menjauhkan diri daripada dosa dan memelihara kita dari perkara-perkara yang dilarang tanpa kita sedari.

# Majlis Apresiasi Kakitangan

Nurul Hasbi binti Mazlan



Pada 4 Januari 2020, Kolej UNITI Kota Bharu telah mengadakan satu majlis yang cukup bermakna buat semua kakitangan kolej iaitu Majlis Apresiasi Kakitangan Kolej UNITI Kota Bharu. Majlis tersebut diadakan di Hotel Perdana Kota Bharu dengan penglibatan seramai 50 orang

staf iaitu 2 orang VIP, 12 orang ahli jawatankuasa, 25 orang kakitangan kolej dan 11 orang ahli keluarga kakitangan. Tetamu VIP yang terlibat ialah Dato' Haji Jamal Bin Mohd Amin (Presiden Kolej UNITI) dan Puan Seri Banun Binti Bakhtiar (Ketua Pegawai Eksekutif Kolej UNITI Kota Bharu). Tujuan majlis ini

diadakan adalah untuk meraikan segala sumbangan, pencapaian dan pengorbanan para kakitangan Kolej UNITI Kota Bharu. Majlis ini juga telah dikendalikan oleh Bahagian Pentadbiran Kolej. Terima kasih diatas kerjasama semua yang terlibat secara langsung maupun secara tidak langsung.

## Mural Bendera Malaysia

Siti Nurul Akma Bt Mohamed Mokhtar



Program mengecat bendera Malaysia (Jalur Gemilang) atau lebih dikenali sebagai mural adalah salah satu program sempena Bulan Kemerdekaan 2019 yang ke 62 tahun. Program ini telah berlangsung selama sebulan bermula pada 1 Ogos 2019 hingga 29 Ogos

2019. Seramai 7 orang pelajar Kolej UNITI Kota Bharu telah melakar, melukis dan mengecat dinding bangunan kolej dengan bendera Jalur Gemilang. Acara ini adalah julung kalinya dilakukan oleh pelajar kolej dan ia berlangsung setiap petang selepas waktu pejabat.

Dalam tempoh untuk menyiapkan mural ini, pelajar telah menunjukkan semangat yang jitu dan kerjasama yang baik di antara mereka. Merdeka! Merdeka! Merdeka!

# Perasmian Koperasi

## Kakitangan Kolej UNITI Kota Bharu Berhad

Nor Aziati binti Anuar

Pada 18 Februari 2020 yang lalu telah diadakan acara pelancaran perasmian Kedai Koperasi Kakitangan Kolej UNITI Kota Bharu Berhad oleh Encik Wan Mohamad Zain Bin Wan Abdullah selaku Pengurus Perhubungan Angkasa Negeri Kelantan.



Kedai Koperasi telah mula beroperasi pada 1 Januari 2020 yang menjual barang kelengkapan asas harian dan runcit, mesin fotostat, dan pelbagai lagi barang keperluan yang bersesuaian dengan pelajar dan masyarakat setempat. Kedai koperasi ini juga menyediakan peluang pekerjaan kepada para pelajar yang berminat, di samping menggilap ilmu pengetahuan dan minat mereka terhadap bidang keusahawanan.



Di dalam ucapan perasmian beliau, Encik Wan Mohamad Zain menyebut bahawa Kedai Koperasi Kakitangan Kolej UNITI Kota Bharu Berhad ini mampu untuk berkembang



dengan lebih maju dengan adanya sokongan daripada kakitangan dan pelajar kolej, di samping komuniti setempat. Kedai Koperasi ini turut menyasarkan untuk berada setanding dengan kedai-kedai serbaneka ternama dalam masa beberapa tahun lagi.



# MAJLIS ISTIADAT KOLEJ UNITI

Majlis Istiadat Konvokesyen Kolej UNITI Kali Ke-18 telah berlangsung pada 10 November 2019 di Bangi Avenue Convention Centre. Jumlah graduan daripada Kolej UNITI Kota Bharu adalah seramai 146 orang yang terdiri daripada 97 orang graduan Diploma Pengurusan Industri Halal, 32 orang graduan Diploma Pendidikan Awal Kanak-Kanak, 13 orang graduan Diploma Psikologi, 2 orang graduan Diploma Pengajian Islam dan masing-masing seorang graduan untuk Diploma Pengurusan dan Diploma Pengurusan Muamalat.

Anugerah Pelajar Terbaik Keseluruhan Kolej UNITI Kota Bharu bagi kategori siswi diberikan



kepada Jah Mariatul Qibtiah Binti Othman dari Diploma Penurusan Industri Halal dengan PNGK



4.00. Manakala Muhammad Azrizzat Bin Mustapa dinobatkan sebagai penerima Anugerah Pelajar Terbaik Keseluruhan bagi kategori siswa dengan



PNGK 3.92. Selain itu, Anugerah Al-Ghazali diberikan kepada Muhammad Fitri Aiman Bin Othman dari Diploma Pengajian Islam dengan PNGK 3.65. Anugerah Al-Ghazali ini diberikan kepada graduan yang cemerlang di dalam bidang akademik dan aktif di dalam aktiviti ko-kurikulum. Syabas dan Tahniah kepada semua graduan KUKB!

## KONSEP PENDIDIKAN KOLEJ UNITI KOTA BHARU

Cabarani semasa yang kian hebat dan rencam akibat daripada asakan globalisasi dan fenomena dunia tanpa sempadan menuntut pakej pendidikan yang bersifat holistik. Namun elemen tradisional tidak sesekali dikesampingkan kerana ia adalah teras kepada keperibadian dan kualiti insan yang bakal dilahirkan. Justeru, Kolej UNITI dalam pernyataan misi dan visinya, menggabungkan elemen moden dan tradisional bagi mencapai objektif pendidikan yang bersifat semasa, praktikal tetapi masih memegang teguh kepada nilai-nilai hidup yang konservatif (berteraskan agama). Kini, sejajar dengan keperluan semasa, kolej UNITI Kota Bharu turut menekankan kepada pembangunan kemahiran insaniah (Soft skill) dan pembangunan usahawan sebagai nilai tambah kepada graduan yang bakal dilahirkan. Pendekatan bersepada sebegini adalah terjemahan kepada Falsafah Pendidikan Negara



Saline bt Ismail

Selain itu, Kolej UNITI Kota Bharu telah melaksanakan Program Keusahawanan Pelajar yang dijalankan secara proaktif dan menjadi satu perkara yang sangat dititikberatkan di mana dalamnya mempunyai beberapa program keusahawanan seperti fertigasi, artera dan UEEC dan lain-lain. Ia merupakan titik tolak bagi melahirkan pelajar yang berupaya berdikari, mampu merancang dan seterusnya mengaplikasikan kemahiran keusahawanan dalam membina kerjaya di luar nanti. Matlamat

utama program keusahawanan dijalankan adalah untuk memberi pendekatan berkaitan kepimpinan, disiplin dan kemahiran pengurusan yang perlu ada dalam diri pelajar untuk meningkatkan keyakinan diri pelajar berhadapan cabaran dalam dunia perniagaan. Dengan acuan Pendidikan yang mengambil kira pelbagai aspek ini, Kolej UNITI Kota Bharu berharap dapat melahirkan pelajar yang cemerlang dalam bidang akademik dan juga mempunyai sahsiah diri yang terpuji.



# Hari Keusahawanan

Noor Anis Che Amzah



**H**ari Keusahawanan & Kerjaya 2019 ini adalah satu aktiviti tahunan yang dianjurkan oleh Kelab Keusahawanan Kolej UNITI Kota Bharu. Melalui program ini, ia dapat membantu pelajar

meningkatkan potensi diri dari segi fizikal dan kognitif. Matlamat utama Hari Keusahawanan dan Kerjaya 2019 ini diadakan adalah untuk memberi pendekatan berkaitan kepimpinan, disiplin dan kemahiran pengurusan yang perlu ada dalam diri pelajar untuk meningkatkan keyakinan diri dan ketajaman mental ketahanan

fizikal para pelajar Kolej UNITI.

Objektif program adalah untuk membangunkan modal insan yang kreatif dan inovatif berteraskan keusahawanan di kalangan pelajar, menerapkan dan mempraktikkan nilai-nilai kompetensi keusahawanan bagi meningkatkan ketahanan diri pelajar dalam menghadapi cabaran dan halangan perniagaan.

# Hari Akademia

Saline bt Ismail



**T**elah berlangsung sambutan Hari Akademia 2019 peringkat Kolej UNITI Kota Bharu pada 21 Oktober 2019. Sambutan Hari Akademia diadakan adalah untuk meraikan segala

sumbangan, pencapaian dan pengorbanan para pensyarah Kolej UNITI Kota Bharu. Majlis ini dikendalikan oleh Bahagian Hal Ehwal Akademik dengan kerjasama Majlis Perwakilan Mahasiswa (MPM) dan J-KAS.

Selamat Hari Akademia dan terima kasih kepada semua warga pendidik di Kolej UNITI Kota Bharu di atas jasa dan pengorbanan selama ini.

# Trip to Pattani

Nur Hikmah Nik Alli



**P**usat Islam dan Halal Tourism Kolej UNITI Kota Bharu telah menganjurkan satu program lawatan ke Universiti Fatoni (FTU), Thailand pada 27 & 28 September 2019 (Jumaat & Sabtu) lepas. Sepanjang berada di sana se-lama dua hari, para pelajar

berkesempatan untuk melawat sekitar universiti dan juga Asean Mall iaitu sebuah pusat membeli-belah bercirikan barang halal yang baru di buka di Pattani yang menggunakan sistem yang sama seperti Universiti Fatoni, iaitu sistem wakaf.

# Minggu Bahasa & Pustaka

Nor Aziati binti Anuar

Pada 28 Julai hingga 1 Ogos 2019 yang lalu telah diadakan Minggu Bahasa dan Pustaka yang telah dianjurkan oleh Program Pengajian Umum dengan kerjasama bahagian perpustakaan kolej. Minggu Bahasa dan Pustaka ini diadakan bertujuan untuk menguatkan dan melatih penguasaan bahasa di kalangan para pelajar Kolej UNITI Kota Bharu selain menambah pengetahuan mereka tentang perpustakaan kolej. Sepanjang program ini berlangsung, para pelajar telah berpeluang untuk menyertai pelbagai aktiviti menarik contohnya Fun English Sahibba, Mega Kahoot, Explorace, Public Speaking dan Pertandingan Video Bahasa Asing.

Diharap program yang bermanfaat seperti ini dapat dijalankan lagi pada masa akan datang kerana ianya telah dapat membantu para pelajar menajamkan kemahiran penguasaan bahasa mereka.



## Trip to Abattoir & Halfest 19

Wan Anis Binti Wan Ahmad



Pada 6 September 2019, pelajar semester 4 program Diploma Pengurusan Industri Halal telah bekerjasama dengan Kelab Sahabat Halal Kolej UNITI Kota Bharu menganjurkan program lawatan sambil belajar ke pusat penyembelihan berteknologi tinggi. Lawatan ini disertai oleh 40 orang pelajar DPIH bersama 4 orang pensyarah pengiring. Pusat penyembelihan yang dilawati adalah Kompleks Abattoir

Shah Alam yang dikendalikan oleh Jabatan Perkhidmatan Veterinar (JPV). Lawatan ini bertujuan mendedahkan kepada pelajar keadaan sebenar di pusat penyembelihan berserta kaedah, teknik, alatan dan teknologi yang digunakan ketika proses penyembelihan.

Di samping lawatan ke pusat penyembelihan, pelajar juga melawat Halal Fiesta Malaysia (Halfest) 2019

iaitu expo halal terbesar di Malaysia yang berlangsung di Kompleks Pameran The Mines, Seri Kembangan. Lawatan ini bertujuan mendedahkan kepada pelajar kepelbagaiannya produk yang telah mendapat sijil pengesahan halal dari JAKIM dan memberi peluang kepada pelajar mengenali syarikat-syarikat yang menghasilkan produk halal sebagai prospek bagi mengembangkan kerjaya selepas bergraduasi kelak.

# Taekwondo KUKB

Nor Aziati bt Anuar



Baru telah menyertai satu kejohanan kebangsaan yang bertempat di Serdang Jaya, Selangor. Dalam kejohanan kali ini, pasukan Taekwondo telah memasuki enam acara secara keseluruhannya, dan telah membawa pulang 1 emas (free sparring bawah 60kg) menerusi Fahmmy Izwan Bin Abdullah.

sebagai satu inisiatif untuk mengasah kemahiran sukan dan senibela diri yang dipelajari selama ini, di samping meningkatkan keyakinan diri dan soft skill para pelajar. Diharap pasukan Taekwondo KUKB akan diberi peluang dan ruang sekali lagi untuk menyertai kejohanan seperti ini dengan lebih banyak pada masa akan datang.

**P**ada 19 hingga 20 Oktober yang lalu, pasukan Taekwondo Kolej UNITI Kota

Penyertaan dalam kejohanan seperti ini dilihat

Muhamad Hashim Yakob

**M**inggu Interaksi Mahasiswa Baharu 2.0 (MIMBAR 2.0) ini merupakan program wajib tahunan yang dianjurkan oleh Bahagian Hal Ehwal Pelajar Kolej UNITI Kota Bharu. Program ini telah berlangsung pada 1 hingga 3 Ogos 2019 di Kem Park Su, Jeram Pasu, Pasir Puteh melibatkan seramai 114 orang pelajar daripada semua program pengajian yang terdapat di Kolej UNITI Kota Bharu. Program ini telah dirasmikan oleh Tuan Haji Zulkifli Bin Mohd Noor selaku

Pegawai Psikologi Kanan Pusat Pemulihan Akhlak Machang.

Antara objektif utama adalah untuk memberi pendedahan serba sedikit tentang kehidupan, kaedah pengajian dan budaya di IPT seterusnya dapat memperkenalkan mahasiswa dengan barisan pentadbiran dan staf Kolej UNITI Kota Bharu. diharap program sebegini dapat membina sahsiah serta sikap positif para mahasiswa bagi menghadapi cabaran mendatang.



# Larian Merdeka

Siti Nurul Akma Bt Mohamed Mokhtar



**S**atu larian telah diadakan di peringkat Kolej UNITI Kota Bharu (KUKB) pada 3 September 2019 (Selasa) sempena sambutan bulan Kemerdekaan pada bulan Ogos dan Hari Malaysia pada bulan September 2019.

Acara ini bermula dengan aktiviti senamrobik dan

sarapan diberi terlebih dahulu agar para peserta mempunyai tenaga untuk mulakan larian. Pelepasan peserta dilakukan oleh En. Mohammad Nasuha bin Deraman pada jam 9 pagi.

# Ready-to-eat by YaPEIM

Nik Muhammad Haikal b .Nik Hussin

Program yang dianjurkan oleh Yayasan Pembangunan Ekonomi Islam Malaysia (YaPEIM) ini diadakan bagi mengagihkan bantuan makanan secara percuma sebanyak enam kali kepada para pelajar B40 Kolej UNITI Kota Bharu (KUKB) yang kurang bernasibbaik. Majlis pelancarannya telah diadakan pada 20 Januari 2020 yang telah dirasmikan oleh Pengurus Negeri YaPEIM Kelantan, En Nik Mohd Nurul Ihsan Salleh. Majlis tersebut turut disertai oleh 200 orang pelajar KUKB yang telah terpilih sebagai penerima

bantuan makanan dan minuman bagi program kebajikan ini. Seterusnya, lima baki sesi pengagihan makanan telah diadakan pada minggu yang berikutnya dan diagihkan sendiri oleh pegawai-pegawai YaPEIM yang turut turun padang bagi memantau perjalanan program sekaligus beramah-mesra bersama para pelajar KUKB.



## Reben Kuning 2.0

Nik Muhammad Haikal b .Nik Hussin

Program ini telah dianjurkan oleh Federasi Kebangsaan Pekerja Belia Malaysia (FKBM) dengan kerjasama dari Kementerian Belia dan Sukan (KBS). Program jelajah ini menampilkan barisan penceramah yang merupakan bekas banduan yang telah kembali ke pangkal jalan seterusnya berjaya membina semula kehidupan mereka bersama keluarga tercinta.



Perkongsian mereka yang padat dan turut diselitkan dengan unsur humor telah berjaya menarik perhatian pelajar di sepanjang program ini. Di akhir perkongsian, para penceramah telah mengadakan sesi bergam bersama pelajar dan turut mengagihkan cenderahati berbentuk beg, gelang dan lencana kepada semua hadirin yang hadir di Dewan Utama Kolej UNITI Kota Bharu pada malam tersebut.





**BERILMU BERAMAL BERBAKTI**

## DIPLOMA-DIPLOMA YANG DITAWARKAN

**DIPLOMA PENGURUSAN INDUSTRI HALAL (FA3527, N/345/4/0377)**  
Kerjaya dalam sektor makanan, farmaseutikal, kosmetik, logistik dan pendidikan

**DIPLOMA PENGURUSAN (FA1588, R2/345/4/0040)**  
Sektor sumber manusia, perniagaan antarabangsa, dan pelbagai sektor pengurusan awam dan swasta

**DIPLOMA PENDIDIKAN AWAL KANAK-KANAK (FA1793, N/143/4/0033)**  
Sektor pendidikan/asuhan, keusahawanan(taska), psikologi kanak-kanak dan pengurusan

**DIPLOMA PENGAJIAN ISLAM (FA1170, R2/221/4/0015)**  
Pengurusan hal ehwal keagamaan, pendidikan islam, pencegahan maksiat, bimbingan dan kaunseling

**DIPLOMA PSIKOLOGI (FA1169, R2/311/4/0001)**  
Sektor pendidikan, psikologi, kaunseling, pencegahan & penquatakuasaan serta pentadbiran

### KOLEJ UNITI KOTA BHARU

**Lot 1911, Jalan PCB,  
15350 Kota Bharu,  
Kelantan Darul Naim.  
Tel: 09-7747449  
Faks: 09-774 3006  
[www.unitikotabharu.edu.my](http://www.unitikotabharu.edu.my)**



[instagram.com/kolejunitikotabharu/](https://instagram.com/kolejunitikotabharu/)  
[facebook.com/kolejunitikotabharu/](https://facebook.com/kolejunitikotabharu/)  
[youtube.com/kolejunitikotabharu/](https://youtube.com/kolejunitikotabharu/)